

大日本史

九十八

第二百三十六卷 外國列傳
 高勾麗 高麗
 第二百三十七卷 外國列傳
 百濟上

和	一〇	二〇	五〇	五
書	二	二	二	五
門	八	三	八	〇
類	八	八	八	〇
架	三	三	三	〇
冊	八	八	八	〇

内閣文庫	
番號	和 20258
冊數	150(98)
函號	138 105

架冊
六五册



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



大日本史卷之二百三十六

淺草文庫

列傳第一百六十三

權中納言從三位源光圀 修

男權中納言從三位綱條 校


其出高敏玄孫權中納言從三位治保重校

外國五 其時 其出 其出 其出 其出

高勾麗 其出 其出 其出 其出 其出

高麗 其出 其出 其出 其出 其出

高勾麗或稱高麗隋康富記古朝鮮之地朝鮮



大日本史 卷之二百三十六 列傳

之肇、未有君長、有神人而降生、國人推立為君、曰檀君、國號朝鮮、周武王封箕子於朝鮮、傳世四十一、至箕準、為燕人衛滿所逐、走韓地、衛滿悉有朝鮮地、至孫衛右渠、漢武帝滅之、以其地為郡、衛氏亡、高氏起於扶餘、漸有朝鮮地、高氏其先出扶餘王金蛙、金蛙得女子、閉於室內、為日光所照、生卵、男子破殼而出、名曰朱蒙、其俗言朱蒙者善射也、朱蒙都於卒本、扶餘沸流水上、國號高句麗、因姓高

氏、國有內部、東部、西部、南部、北部、合五部、其官有大對盧、大使、小使、大相、乙相位、頭大兄主簿、參取三國史記是歲崇神帝六十一年也、朱蒙遂取沸流、行人二國、滅東沃沮、攘靺鞨、立十九年死、號東明聖王、有三子、長曰沸流、次溫祚、溫祚是為百濟始祖、朱蒙嘗在北扶餘、生子類利、立為嗣、類利死、號瑠理明王、子無恤立、此時取梁貊、蓋馬、勾茶、樂浪等、高句麗之地寢廣、無恤死、號大武神王、弟解邑

大日本史


卷二百三十六

夕傳

一

朱立死、號閔中王、子解憂立、暴戾、國人殺之、
 立、類利孫宮、立九十餘年、傳國於弟、遂成、稱
 太祖大王、遂成立、亦無道、其臣明臨答夫殺
 之、號次大王、立宮弟伯固死、號新大王、子男
 武立死、號故國川王、弟延優立、三國史記、是
東國通鑑
 歲仲哀帝六年也、九年神功皇后西征高麗
 與百濟俱請降、因定內官家、日本紀延優卒、號
 山上王、子憂位居立、城平壤、移都焉、卒、號東
 川王、子然弗立、卒、號中川王、子藥盧立、三國
史記

東國通鑑應神帝七年朝貢、大臣武內宿禰役其
 人作池、號韓人池、日本紀藥盧卒、號西川王、子
 相夫立、三國史記、東國通鑑應神帝二十八年遣使朝
 貢、表文無禮、皇太子怒、裂破其表、責還使者、
日本紀相夫驕逸多猜忌、為其國相倉助利所
 廢、自縊死、號烽上王、藥盧孫乙弗立、三國史
記、東國
通鑑三十七年阿知使主都加使主使於吳、取
 途於高麗、高麗使久禮波久禮志二人送之
 至吳、仁德帝十二年遣使貢鐵盾鐵的、宴使



者於朝、選羣臣善射者射之、盾人宿禰射鐵的洞之、高麗使嘆其精強、日本紀乙弗卒、號美

川王子釗立、三國史記五十八年遣使朝貢、

日本紀五十九年百濟攻平壤城、釗中流矢卒、

號故國原王子丘夫立、卒、號小獸林王、母弟

伊連立、卒、號故國壤王子談德立、卒、號廣開

土王子臣璉立、三國史記雄略帝八年高麗

與新羅通好、遣兵一百人、助守新羅、備百濟、

新羅誤殺助守兵、高麗怒攻新羅、新羅請救

於任那日本府、膳斑鳩等往援、大破高麗軍、

二十年高麗攻百濟、七日夜、遂陷之、生擒其

王及王妃王子、悉殺之、七日以下、日本書注引百濟記高麗

兵請殲其遺衆、悉取百濟、臣璉曰、百濟日本

之官家、其王入侍于朝、四隣所共知也、不可

而止、二十三年帝立、末多為百濟王、以兵衛

送其國、別詔筑紫安致臣馬飼臣、率舟師討

高麗、清寧帝三年遣使朝貢、仁賢帝四年臣

璉卒、號長壽王、孫羅雲立、臣璉卒以下、據三國史記、東國通鑑、

日本史記、東國通鑑、

六年遣日鷹吉士使高麗高麗獻工匠須流
枳奴流枳等繼體帝十年使安定等朝貢日本

紀十三年羅雲卒號文咨明王子興安立三國

史記東國通鑑二十五年高麗殺興安日本紀一說

○按三國史記東國通鑑不言殺弟寶延立三國史記欽明

帝元年遣使朝貢日本紀六年寶延卒號安原

王子平成立三國史記東國通鑑始高麗王有三夫人

正夫人無子中夫人其舅氏麤羣也小夫人

細羣之女也竝有子及寶延病篤細羣麤羣

各爭立其夫人子大戰于宮門細羣敗死者

二千餘人日本紀註引十二年百濟攻高麗

取平壤等六郡高麗與新羅連和十四年百

濟王子餘昌攻高麗擊高麗王於東聖山上

走之日本紀二十年平成卒號陽原王子陽香

立三國史記東國通鑑作二十三年大將軍

大伴狹手彥討高麗破之高麗王陽香踰墻

走比津留都狹手彥縱兵入其宮得七織帳

鐵屋等及諸財物而歸二十六年高麗頭霧

喇耶陞等歸化三十一年越人汪淳裾代詣京奏曰高麗使船漂至本國郡司道君隱匿不奏故以聞詔曰高麗迷路至越海雖辛苦風浪尚全性命有司宜於山城相良郡築使館厚供給之遣膳傾子于越饗高麗使初使之至也道君自稱國主奪其貢物至是傾子至道君迎拜伏地高麗使具告其狀傾子悉追其所奪還之三十二年帝不豫尋崩是以高麗表獻物未奏上敏達帝卽位高麗使上

表及貢獻物帝惻然哀悼極甚其表書烏羽王辰爾蒸羽於飯土以帛印羽悉寫字讀之高麗大使謂副使曰汝不用我言妄分國調輒與微者是汝之過也國王聞之必誅汝也副使懼欲殺大使以斷口大使聞其計裝束衣帶潛出立使館庭旁皇不知所爲俄有一人以杖打大使頭而去次有一人又進打頭與手破之血流被面大使尚不動立拭其血又有二人進刺其腹遂殺之明旦領客東漢

坂上子麻呂推問其由、副使曰、天皇賜妻於
 大使、然違敕不受、無禮滋甚、是以臣等謀議
 殺之、命有司以禮收葬、二年高麗使至、越海
 遇風溺死者多、朝廷疑其頻迷路、給船糧發
 回、以苦備海部難波為送使、難波畏風浪不
 欲行、執高麗二人投海而歸、奏曰、海中多鯨
 魚、不得通船、帝識其偽、沒為官奴、明年秋高
 麗使至、奏曰、臣等去年從船人太島磐日與
 送使舟俱發、臣等已還至本蕃、而送使舟至

今年尚未來、故因磐日還、別差臣等問送使
 不來、帝召難波詰問之、難波不能對、帝數其
 罪、遂寘之法、日本紀崇峻帝三年陽香卒、號平
 原王、子元立、三國史記推古帝九年新羅攻
 任那、遣大伴嚙於高麗、發兵援任那、十三年
 詔皇太子及大臣造丈六佛像、高麗王大興
 聞之、按三國史記東國通鑑此時高麗王名元號嬰陽王今從日本紀文不輒改
 貢黃金三百兩、十八年使僧曇徵徵或作微法定
 入朝、二十六年遣使朝貢、因奏曰、隋主興三

十萬衆來攻，即拒卻之。因獻隋俘真公普通二人，及鼓吹弩、拋石等十事，并土物駱駝。

紀是歲元卒，號嬰陽王。弟建武立。三國史記、東國通鑑、日本

三十三年，使僧惠灌入朝。舒明帝二年，使宴

子拔若德等朝貢。皇極帝元年，遣使朝貢。使

者言，去年六月，弟王子卒。秋九月，大臣伊犁

柯須彌殺國王，并殺伊犁渠世斯等百八十

餘人，乃立弟王兒臧為王，以其族都須流金

流為大臣。日本紀、按三國史記、東國通鑑、高麗蓋蘇文殺其君建武立王姪臧

蓋蘇文一名蓋金，為東部大人，以計殺諸部大人百餘人，自為莫離支，與本書合。而二書

以此事係今年十月，據本書，此使來在今年二月，而言去年可疑。考本書二年文曰：太宰

府言高麗使至，羣卿相語曰：高麗自己亥年不朝，而今年入朝，據此文，此使來蓋在二年

也。此係是歲者疑誤，今姑仍舊文不輒改。已亥，舒明帝十一年也。而本書不載高麗入貢，

蓋脫也。四年，高麗學僧等言，同學鞍作得志在

高麗，以虎為友，得奇術，或使枯山變成青山，

變黃地作白水。虎又授針術及針，治莫不差，

得志常以針隱厝柱中。後虎折柱取針去，高麗知得志欲歸之意，毒殺之。孝德帝大化元

大日本書紀 卷之三十一 五傳 七

年遣使朝貢自是頻年入貢

日本紀及白雉
本書一說

五年帝崩遣使來吊齊明帝元年遣使入貢

二年使大使達沙副使伊利之等朝貢遣膳

葉積坂合部磐歛等報聘五年又入貢時使

人持羆皮一張鬻於市稱價曰綿六十斤畫

師子麻呂本高麗人聞此事借官羆皮七十

枚為席迎同姓為使來者宴於家向鬻皮者

大慙而歸明年使乙相賀取文等一百餘人

入貢七年秋唐將軍蘇定方突厥契苾加力

水陸二路逼高麗城下冬高麗遣使言是冬

寒極烈江水凍合唐軍雲車衝鞠逼城城兵

奮戰卻之更取唐二壘今唯餘二塞已為夜

攻之計唐軍銳竭力屈士卒皆抱膝而哭時

齊明帝崩皇太子素服聽海表軍政乃發兵

救高麗軍泊于百濟加巴利濱兵士燕火灰

忽陷為孔有響如鳴鏑咸謂高麗百濟亡滅

之徵壬戌歲唐人新羅人攻高麗高麗乞援

仍遣軍將保疏留城由是唐人不得略其南

界新羅不踰其西壘癸亥歲唐兵滅百濟百濟王豐逃至高麗甲子歲高麗大臣蓋金死遺命諸子曰汝等兄弟和如水魚勿爭爵位若不如我言則必為鄰嗤矣按三國史記東國通鑑蓋金死在丙寅歲日本紀為丙寅歲使前部能婁乙是歲之事今姑從之相奄鄒朝貢丁卯歲葬齊明帝於小市岡上陵高麗使舉哀道上是歲蓋金子大兄男生出按諸部其二弟男建男產信人誘說據國內城拒而不納男生奔唐謀滅高麗男建男產及國

內城名據三國史記東國通鑑按三國史記東國通鑑男生降唐為丙寅歲本書係是歲從今姑之天智帝元年遣使入貢是歲唐將軍李勣以男生為鄉導攻高麗滅之男生名據三國史記東國通鑑初高麗仲牟王建國○按仲牟朱蒙也時言治國千歲矣其母曰若善治之則可得也若不得千歲但當有七百年也至是高麗亡果當七百年之末云四年高麗使上部大相可婁朝貢○按東國通鑑高麗已亡新羅私封高安勝為高麗王其稱高麗朝貢者蓋是也新羅別差人送其使以為常故不載新羅送使帝大友元年使前部

富加抃等朝貢。天武帝元年使上部位頭大兄邨子、前部大兄碩干朝貢。三年大兄富干、大兄多武朝貢。四年後部主博博疑簿阿干、前部大兄德富朝貢。七年上部大相桓欠○本、書富干作富干、阿干作河干、桓欠作桓父、今據釋日本紀訂之。下部大相師需婁朝貢。八年南部大使卯問、西部大兄俊德入貢。十年使下部助有卦婁毛切大古昂加朝貢。此後朝貢絕。日本紀○按東國通鑑唐弘道元年新羅以高安勝為蘇判位、改姓金氏。高麗遂絕。當天武帝十一年。又按文獻通考具載五部別稱。前

部部即南部也。後部即北部也。此稱上部。下部者無所見。蓋亦部中別稱也。

高麗王王建。不詳其種姓所出。其父曰隆。新羅漢州松嶽郡人也。隆視其國大亂。竊有并吞三韓之志。隆生建。幼而聰慧。有奇貌。年十七。有一僧見奇之。時弓裔甄萱割據新羅州郡。各自稱王。建乃投弓裔。弓裔以建為鐵圓太守。隆亦尋歸之。為金城太守。弓裔國號曰泰封。其為人猜忌嗜殺。是以將士不附。遂逐弓裔。推建立為王。國號高麗。遂滅新羅。悉有

其故地東國通鑑朱雀帝承平七年建遣使奉書

日本紀略因請入貢廷議不許其所請送報牒經信

日本紀略天慶二年遣使又請之日本紀略年據

遂不聽令太宰府移牒其國廣評省日本紀略但

至通商賈之事准舊不禁朝野羣載日本紀略天延二年建

死武立死次堯立死次昭立東國通鑑圓融帝天

祿三年其國南凉府使齎牒至對馬島日本紀略

令太宰府報百鍊鈔昭死由立死次治立東國通鑑

一條帝長德三年其國遣使來牒文乖例朝

廷疑其有詐謀不報命緣邊郡豫備百鍊鈔

書有是冬高麗賊寇西邊明年今太宰府治

死次誦立東國通鑑長保四年其民苦苛政不堪

命多流亡投于九州地百鍊鈔寬弘元年高麗

蕃徒芋陵島人漂至因幡權記高麗蕃徒據

東國通鑑○本書芋陵為于陵麗藻迂陵今

訂之公任集云新羅宇流麻島人至宇流麻

島即芋陵也給資糧回歸本國本朝麗藻誦死次詢立

東國通鑑後一條帝寬仁三年女真賊寇西邊太

宰權帥藤原隆家發兵擊卻之虜獲中多有

高麗人乃使通事推問所由皆曰賊初寇我本國吾輩出拒之返為賊所虜者也

朝野羣載小右

記無何高麗商末斤達漂至筑前志摩郡即

曰僕向之宋交易今將歸國漂流至貴國也

府司素不信虜者言及斤達至亦疑之併虜

者與斤達皆禁錮之初賊之來也緣海居民

多被虜掠者對馬島判官代長岑諸近舉家

被虜既而諸近一人脫而還尋又出亡經二

旬諸近率其伯母及婦女十人而還告島司

曰僕前日還家之時竊慮弃老母及眷族獨

存乖人道不如委命於賊地知母之存亡因

竊犯禁渡海而赴高麗將至刀伊地適遭高

麗通事仁禮禮語曰賊初寇本國有司發兵

擊之賊逃赴日本乃命郡縣儲戰艦千餘艘

分番備賊及賊復來侵襲擊破之殺獲無算

但賊船中多有日本人盡收之得三百餘人

今將送還貴國議既定卿須早還國告其狀

也乃至金海府就我邦人問母存亡皆曰汝

家族除伯母之外悉沒于海中矣乃將與伯母俱還然而既已犯禁渡海不能無證驗而還因請得我邦婦女十人今所率女子等是也島司更就諸近所率之女子等問之女子中有辨事者二人一筑前人內藏石女一對馬屋多治比阿古見答曰賊與官兵相拒之間中箭死者相繼不斷乃轉至高麗每夜上陸地侵掠人物晝則隱島嶼間選虜中強壯者留船其餘皆投海居三旬餘有高麗船

數百艘來擊賊其勢甚猛賊亦勵力防之高麗戰艦之制高大異常屋上有層樓樓上立櫓左右各四枚枚別水手五六人所乘之兵士二十餘人下亦懸檝左右各七八枚所儲兵仗有鐵甲冑鉞鐵搭等兵士各執之又船面以鐵造角衝破賊船又蓄大石打破賊船賊船覆沒死者甚衆賊遂不能防之悉取所虜掠之男女投海馳船而逃無何有高麗船扶漂沒者因得蘇息者三十餘人妾等在其

中戰訖送妾等致金海府路中各給驛馬每驛給食皆用銀器供給尤豐有司語曰我國敬重日本故厚遇汝輩耳既至府以白布充衣且給美食在府三旬許長岑諸近至請得妾等十人而還解纜之日國官命給資糧且告曰近日當遣專使盡送還其國人汝等可先歸白狀也妾等因從諸近而還島司併諸近與石女等送之太宰府府具錄請官議議未決小右記高麗使鄭子良至對馬還男女二

百七十人

小右記左經記或作新羅誤

廷議召子良

至太宰府詳陳事旨於是諸近及向所拘高麗人皆得釋初子良來時持其國安東護府送對馬牒即曰本國以彼府為鎮東方之總攝府其他盡改府號為州統屬彼府故彼府所牒送也廷議以為高麗擊賊還我人實舉國之大事須國廳特牒送而別府牒對馬我亦當令太宰府移牒議定小右記明年遣鄭子良還本國特賜黃金三百兩於子良且給資

糧悉還所拘高麗人參取日本記略左經記

詢死次欽立死次亨立死次徽立東國通鑑後冷

泉帝永承六年其國送牒還日向女在彼國

者百鍊乃報牒經信記○八幡愚童訓云天

母是向為刀伊所虜在其國白河帝承曆四

年商客之高麗交易及歸持其禮賓省移太

宰府牒及其所獻物而至牒曰當省伏奉聖

旨訪聞貴國有能理療風疾醫人今因商客

王則貞回歸故鄉因便通牒及於王則貞處

說示風疾緣由請彼處選擇上等醫人於來

年早春發送到來理療風疾若見功效定不

輕酬者今先送華錦及大綾中綾各一十段

麝香一十臍分附王則貞賣持將去知太宰

府官員處且充信儀到宜收領者牒具如前

當省所奉聖旨備錄在前請貴府若有端的

能療風疾好醫人許容發送前來仍收領匹

段麝香者謹牒續本朝文粹朝野羣載經信記太宰府上奏

廷議以牒文無禮今太宰府移牒卻還其信

物曰、貴國權盟之後、數逾千祀、和親之義、長垂百王、方今犯霧露於燕寢之中、求醫療於鼇波之外、望風想德、能不依依、抑牒狀之詞、頗睽故事、改處分而曰聖旨、非蕃王可稱、宅遐陬而跨上邦、誠彛倫道數、况亦託商人之旅艇、寄殊俗之單書、執圭之使不至、封函之禮既虧、雙魚猶難達鳳池之月、扁鵲何得入雞林之雲、凡厥方物、皆從卻還、今以狀牒、續本羣朝文粹、朝野記、水左記、載、徽死、次運立、死、次昱立、傳國於

顯、顯死、次俱立、死、次楷立、死、次暁立、東國通鑑二條帝永曆元年、百濟金海府拘對馬島民、百鍊鈔尋又拘對馬商人、百鍊鈔、山槐記、暁廢、次皓立、東國通鑑後鳥羽帝文治元年、對馬守藤原親光為平宗盛所迫、遁至高麗、高麗王給以食邑、既而源賴朝遣使迎親光、國王命艤船三艘、與珍貨而送還、東鑑皓廢、次暁立、廢、次祺立、死、次暁立、東國通鑑後堀河帝貞應二年、高麗人漂至越後寺泊浦、東鑑鈔○按百鍊鈔作白石浦存者

僅四人、船長十餘丈、百鍊鈔所齎弓二張、以革

為弦、頗類蝦夷弓、胡籛一口、大刀刀各一柄、

帶一、以緒組之、中央有銀簡、長七寸、濶二寸、

有銘四字、字體異樣、不可讀、其他有食器類、

東鑑明年入京、居六角堂側、所蓄器物多用銀、

聚觀者甚多、朝廷命六波羅逐之、百鍊鈔嘉祿

二年、肥前松浦黨誘對馬島民、乘戰艦數十

艘、侵高麗全羅州、掠略人物、明月記國人出

戰、松浦兵死者且半、餘眾掠銀器等物而還、

明月記明年高麗使至太宰府、百鍊鈔皇帝紀

遣前年侵掠、少貳武藤資賴具事聞于關東、

捕姦民九十人、斬之、私送報牒、於是朝議曰、

高麗牒文無禮、資賴不由官議、捕斬島民、私

送報牒、大損國體、命吏治其罪、百鍊鈔具事

東鑑脫漏、寬喜三年、筑前鏡社神民至高麗、夜襲

民家、掠奪器財、北條泰時命守護捕犯民、東鑑

四條帝仁治元年、高麗牒使至對馬、百鍊鈔平戶記

瞰死、次楨立、東國鑑龜山帝文永五年、楨使其

大日本書紀 卷二百三十六 百一 七

臣潘阜奉書獻方物且致蒙古書一代要記

記五代帝王物其書略曰我國臣事蒙古國

皇帝仁明欲通好於貴國寡人奉詔其旨嚴

切茲不獲已使某官奉皇帝書前去貴國遣

一介之使以往觀之何如也貴國商量五代

物語關東評定傳按二書載高麗書甚略今參取東國通鑑不報自太宰

府卻還五代帝王物語六年春高麗使從蒙古使至

對馬不納帝王編年記五秋又使金有成高

柔等持國書及蒙古書來至太宰府不報高

柔感奇夢奉毛冠於安樂寺而去關東評八

年高麗奉書告蒙古將來寇狀吉續命西邊

將士豫備島津文書九年蒙古張鐸持高麗書來

不報關東評十一年高麗以軍八千助蒙古

來寇壹岐對馬太宰府等處一代要記關東

畫讚高麗軍數是年楨死次東國通鑑後宇

多帝建治元年詎使其譯語郎將徐贊等與

蒙古使杜世忠等俱來執斬于鎌倉帝王編

東評定傳徐贊乃命緣海郡國造戰艦募諸

名據東國通鑑

國兵將征高麗野島津文書未發弘安四年高

麗以船九百艘軍一萬梢工水手一萬五千

兵糧十一萬碩助蒙古軍以金方慶等統之

來寇鎮西適遇暴風人船覆溺亡軍七千餘

人參取八幡愚童訓日蓮註畫伏見帝正應

四年高麗金有成又持國書至東國通鑑有用兵

之語公卿敕使北條貞時拘留之初高麗趙

彝為蒙古說我國可通忻都洪茶丘等誘之

其所用船糧軍器命高麗幹辦高麗小國不

堪誅求公私共苦花園帝延慶元年詎死次

璋立傳國於燾燾傳禎禎傳昕昕死次眡立

東國通鑑後村上帝正平初西邊浮浪之徒以船

數千艘侵高麗及元地屢掠略人物以為常

時屬兵亂朝制不及遠無能禁之數年之間

彼緣海郡邑荒蕪民居殆盡太平記六年眡傳

國于顓東國通鑑二十二年顓遣其臣中請大夫

前典義令金一及千戶左右衛保勝中郎將

金龍檢校左右衛保中郎將於重文等持國

書及元中書省書至攝津兵庫津請禁邊民

侵害

善鄰國寶記太平記參取鳩嶺雜事記

足利義滿館之天

龍寺令僧妙葩接伴

參取善鄰國寶記太平記普明國師行狀

還贈答信物不送報書但以當時屬國亂制

御不及為辭

太平記○按善鄰國寶記以為送報書蓋義滿不自答之今妙

葩送報書耳

顓死次辛禍立禍異姓顓嘗為己子

至是為王

東國通鑑

後龜山帝天授元年遣其臣

羅興儒來聘

東寺文書

請禁海寇且通信

東國通鑑

足利義滿召之京師東寺文書拘留不遣初高麗僧

有投于我者興儒因請釋義滿聽之放還本

國四年復使鄭夢周來九州探題今川貞世

放還俘掠民數百人五年復使李自庸來今

川貞世命還其民二百三十人元中五年辛

禍廢子昌立明年其諸臣放昌于江華立王

氏宗室瑤為王居四年遜于原州其臣李成

桂代為王

東國通鑑成桂據明史


後小松帝明德三年

高麗使僧來復請禁海寇結好足利義滿命

僧中津遺報書其略曰海隅小民毀壞教化

不遵制教實我君臣之所恥也當申命鎮西
 守臣禁遏賊船放還俘虜至其通信結好我
 亦所欲然而我國將臣古來無海外通問之
 例故不克直答來教令僧代報非慢禮也善鄰
國寶應永四年高麗改國號曰朝鮮和漢五
 年特遣使來聘復申前請足利義滿始聽其
 所請善鄰國寶記其後聘問不絕然非高氏職貢
 之比皆帥臣境外之私交也詳見今川貞世
 大日本史卷之二百三十六終

大日本史卷之二百三十七高麗末葉
列傳第一百六十四
 權中納言從三位源光圀修
 男權中納言從三位綱條校
 玄孫權中納言從三位治保重校
 外國六
 百濟上
 百濟其先出自扶餘種曰温祚初朝鮮箕準
 為燕人衛滿所逐浮海南奔居韓地金馬渚



自號韓王、統五十餘國、是曰馬韓、大國萬餘家、小數千家、各有長帥、大者名臣智、其次爲邑、借其民土著種植、知蠶桑、作綿帛、散居山海間、無城郭、作土室、開戶向上、俗少紀綱、不重金銀、錦罽、貴瓔珠、用以飾髮垂耳、男子帛袍、草躡、性頗勇悍、善用弓楯矛櫓、又有辰韓、弁韓、各統十二國、服屬馬韓、辰弁二韓、後爲新羅所併、箕氏有馬韓、傳世亦二百年、溫祚滅之、箕氏遂絕、溫祚其父曰高朱蒙、卽高句

麗始祖也、朱蒙始在北扶餘、生子類利、後至卒本扶餘、取扶餘王女、生二子、長曰沸流、次曰溫祚、類利己長、自北扶餘走至卒本扶餘、朱蒙立爲太子、沸流溫祚怨之、又懼爲類利不容、與烏干馬黎等十人南奔、沸流居彌鄒、溫祚居河南、慰禮城、馬韓王箕氏割東北百里之地與之、溫祚以烏干等十臣爲輔、國號十濟、沸流以彌鄒水土溫鹹、不得安居、見慰禮都邑既定、人民安堵、慙恚死、其臣民皆歸

慰禮、乃改國號曰百濟、以與高句麗先同出於扶餘、故姓扶餘氏、是歲垂仁帝十二年也、溫祚移都漢山、築漢江西北、潛師襲馬韓、悉取其地、其設官有內臣、內頭、內法衛士、其兵官皆以佐平一品官為之、又有達率、恩率、德率、扞率、奈率、將德、施德、固德、李德、對德、文督、武督、佐軍、振武、克虞等官、溫祚死、子多婁立、死、子已婁立、死、子蓋婁立、死、子肖古立、是歲成務帝三十四年也、三國史記、仲哀帝九年、東國通鑑

神功皇后西征、肖古聞新羅已收圖籍降、密使人伺其軍勢、知終不可敵、自詣於營外、叩頭曰、願世為西蕃、每歲朝貢、因受其降、定內屯官家、甲子歲使久氐、彌州流、莫古朝貢、假途於卓淳、其王末錦早岐謂久氐等曰、聞東方有日本國久矣、顧海遠浪嶮、非得大船、何以能達、於是久氐等歸具船舶、丙寅歲斯摩宿禰○本書註云、未詳何人、使於卓淳國、聞末錦早岐之言、仍遣倭人爾波移及卓淳人過古慰勞

百濟王百濟王肖古大喜便開庫府示爾波
移曰我有此珍寶欲貢貴朝未知路津今使
者幸至我尋當遣使貢獻厚贈爾波移而還

之日本紀○按本書載百濟王名多與三國
史記東國通鑑異今姑從本文不敢改其

三國史記東國通鑑所序百濟世次詳註于
下初神功攝政十四年肖古死仇首立攝政

三十九年死古示立應神十七年死貴稽立
二十九年死子汾西立三十五年汾西被殺

比流立仁德二十二年死契立仁德三十四
年死近肖古立仁德六十年死近仇首立

仁德七十九年死阿莘立八十五年腆支入質
立七十九年死阿莘立八十五年腆支入質

於日本履中六年阿莘死腆支立允恭九年
死允辛立允恭十六年死毘有立安康二年

年毘有死蓋鹵立二書所次百濟世傳如此甚與日本紀異蓋鹵王已下皆與日本紀合

丁卯歲使久氏彌州流莫古朝貢時新羅貢

調使亦來命勘校二國貢獻物新羅貢物多

珍奇百濟貢物甚劣即詰問使者久氏等對

曰臣等失途至沙比新羅新羅人拘囚三月

殆將見殺久氏等仰天呪詛新羅怖而不殺

劫奪我貢物換己賤物且脅曰若泄此事者

還日必殺汝等今日幸得不死者固大國之


威也乃召新羅使責之復詔于熊長彥如新

新羅本紀 卷之二十一 四
羅責讓其王己巳歲以荒田別鹿我別爲將
軍討新羅久氐等從之至卓淳國荒田別等
以兵少遣沙白蓋盧徵軍於百濟百濟使木
羅斤資沙沙奴跪領精兵來會俱擊新羅取
比自炆南加羅啖國安羅多羅卓淳加羅七
國移兵西至古奚津屠南蠻枕彌多禮二城
以其地賜百濟於是百濟王肖古及其子貴
須帥兵來會荒田別等于意流村千熊長彥
亦自使于新羅來會于此荒田別等帥師而

還千熊長彥與百濟王俱至其國登辟支山
盟復登古沙山與坐磐石上百濟王盟曰藉
草爲坐恐見火燒鋪木爲坐恐爲水流故今
坐磐石上自今以後千秋萬歲常稱西蕃春
秋朝貢無闕無懈乃使久氐等從千熊長彥
入朝皇太后問久氐等曰海西諸韓旣賜汝
國今復頻來何也久氐奏曰天朝鴻澤遠覃
吾王不任感戴故因朝使還遣臣久氐奉謝
聖恩皇太后悅增賜多沙城明年復使久氐

朝貢皇太后使千熊長彥於百濟宣慰曰朕
祇奉神祇之誨平定海西諸韓今王克修職
貢屢輸忠誠懇款之至朕甚嘉尚焉乃使千
熊長彥往述朕此意王其能保封疆永敦好
聘百濟王父子稽顙伏地啓曰大朝鴻恩重
於天地何日何時敢忘之哉聖皇在上明如
日月今臣在下固如山岳永為西蕃世世勿
渝壬申歲秋久氐送千熊長彥至獻七枝刀
七子鏡及寶器數事久氐奏曰弊邑西界七

日行有谷那鐵山產鐵尋當貢獻復奏曰我
王常誠子孫曰今我所事海東天皇聖恩洪
大割海西賜我絲是我國式安社稷式固汝
等能遵吾言奉貢不絕雖死何恨焉此後每
歲朝貢乙亥歲肖古卒明年貴須立甲申歲
貴須卒子枕流立二歲卒子阿花年少叔父
辰斯自立不修職貢應神帝怒使紀角羽田
矢代石川木菟責讓其無禮百濟殺辰斯以
謝紀角等立阿花為王而歸日本紀或作阿芳



東國通鑑八年阿花立亦久不朝貢於是削

枕彌多禮及峴南支侵谷那東韓之地阿花

乃使王子直支日本紀註引百濟記○按東國通鑑作腆支三國史記作

直支與入謝留侍於朝十四年獻縫衣女二

人十五年使阿直岐獻馬二疋阿直岐留仕

于朝明年徵王仁至是歲阿花卒帝詔立直

支為百濟王賜東韓之地甘羅高難爾林城

等遣之直支遣妹新齊都媛入侍于後宮直

支卒日本紀○按本書云二十五年直支卒三十九年直支進妹新齊都媛蓋必有

一誤故子久爾辛立年尚幼大倭木滿致與

王母奸淫甚枉暴木滿致木羅斤資子也○按

三國史記作木羅斤資嘗從將軍荒田別等

討新羅有功木滿致負大功稱受朝旨專制


任那及百濟帝聞之大怒召木滿致日本紀及日本書

註引百濟記仁德帝四十一年遣紀角於百濟分

定國郡疆場審錄鄉土物產時百濟王孫酒

君無禮紀角怒讓之百濟王懼以鐵鎖縛酒

君依葛城襲津彥謝罪襲津彥等以酒君歸



日本紀 允恭帝十六年久爾辛卒，毘有立，安康

帝二年，毘有卒，東國通鑑加須利君立，日本紀○

曰：蓋鹵王，三國史記東國通鑑作蓋鹵王名

餘慶，此已下三國史記東國通鑑所載百濟

世傳皆與雄略帝即位，加須利君進慕尼夫

人女池津入侍于後宮，日本紀及本書註引

撰作池津與石川楯姦，帝怒詔大連大伴室

屋張二人四支於木燒殺之，加須利君聞之

曰：向者貢女子，已辱我國名，自今不可貢采

女，乃告弟軍君，○本書註或曰：汝宜往侍于

日本朝，軍君曰：願賜君侍御而後行，加須利

君以愛妾付軍君曰：此婦懷胎，產子當速送

致于此，遂與辭訣，軍君至筑紫各羅島，婦產

兒，名曰島君，即載舟送還，是為武寧王，百濟


人呼此島曰生島也，軍君侍衛京師，後生五

子，十九年高麗王臣璉攻百濟，七日夜生獲

加須利君殺之，百濟遺眾屯聚倉下，高麗諸

將謂臣璉曰：百濟人心操非常，每使見者自

失，不乘今滅之，則後必難制，臣璉曰：百濟日



本官家其王子常入宿衛四方所知也今悉滅之是結怨於大國不可也

日本紀○按本書係二十年考

東國通鑑等為乙卯歲本書註引百濟記亦為乙卯歲乙卯十九年也本書追書故係于

二十年今訂之帝聞百濟敗以久麻那利地賜汶洲

王汶洲王加須利弟也國人皆云百濟臣屬

已亡惟餘倉下兵今之興復實賴日本天皇

之再造也日本紀及本書一說○東汶洲立國通鑑汶洲或作文周

三年為其臣解仇所殺汶洲子文斤誅解仇

立三年卒三國史記東國通鑑○按文斤帝二書共作三斤今從日本紀

聞文斤卒以軍君第二子末多幼年聰慧立

為百濟王帝親撫其頭慰諭殷勤以筑紫兵

五百人護送是為東城王○按三國史記東國通鑑末多或作

牟大或別詔安致臣馬飼臣等率舟師討高


麗是歲百濟貢賦倍於常歲清寧帝三年使

使朝貢顯宗帝三年紀大磐據任那交通高

麗欲王三韓營脩官府自稱神聖用任那左

魯那奇他甲背等計殺百濟適莫爾解於爾

林築帶山城拒塞東道末多怒遣領軍古爾



解、内頭莫古解等、攻帶山城、大磐敗走、獲佐
魯那奇他甲背等三百餘人、殺之、未多稍無
道、百姓大苦、不堪命、日本紀為其臣苟加所殺、

三國史記、東國通鑑、國人立加須利君子島君、日本紀、按三

國史記、東國通鑑、作未多子誤、日本紀、註引

百濟新撰云、未多無道、國人除之、立武寧王

諱斯麻、昆支王子之子、未多異母兄也、此說

亦非、本書註云、昆支赴日本之時、產斯麻於

筑紫各羅島、故名曰島君、島斯麻國音通、其

事詳于前、然則斯麻為蓋鹵王之子明矣、此

說、是改名餘隆、東國通鑑是歲武烈帝三年也、日本

紀、本書係四年、今據東國通鑑、○按本書云、

是歲百濟意多郎卒、未詳何人、蓋昆支子歟、

餘隆既立、誅苟加、東國通鑑六年使麻那君朝貢、
朝廷以百濟歷年不修職貢、留而不遣、明年
使斯我君朝貢、并上表曰、前貢調使麻那非
臣之骨族、故謹使斯我充侍衛、繼體帝三年
詔任那日本府、括出百濟浮浪民、逃在任那
者、還之百濟、六年穗積押山赴任、於任那、賜
百濟王馬四千疋、冬使使貢調、斯麻依穗積
押山、請賜任那國王哆唎、下哆唎、娑陀、牟婁
四縣、押山為奏與四縣之便、大連大伴金村

可其奏、遂許之、勾大兄皇子後聞大悔、使日
鷹吉士改宣曰、任那之官家、胎中天皇之所
置、非今日之所得變革矣、而議者失旨、誤許
使者之請、故皇子勾大兄使某來請還前敕、
百濟使者啓曰、辱奉詔旨、已許下邑之請、使
臣不敢聽二命、時人言押山金村受百濟之
賂、明年姐嬭文貴將軍、洲利即爾將軍、從穗
積押山入朝、貢五經博士段楊爾、○楊或姐
作陽
嬭文貴等奏曰、伴跋國侵奪臣本蕃、已汶之

地、伏請天皇幸垂聖斷、還賜本蕃、秋太子淳

陀卒、○本書闕
入朝年月冬、召百濟姐嬭文貴、斯羅汶

得至、安羅辛已奚、賁巴委佐、伴跋既殿、奚竹

汶至等、諭以已汶帶沙、判賜百濟、伴跋又遣

戢支入朝、獻珍寶、乞已汶之地、不許、於是伴

跋築子吞帶沙、嚴烽候、以備于我、又築爾列、

比麻、須比等、逼新羅、九年、文貴等歸、帝使物

部某於百濟、○本書註引百濟本
紀曰、物部至至連、物部至沙

都島、伴跋人叛、物部率舟師五百、直至帶沙

江與伴跋人戰敗物部僅脫身走汶慕羅○本

書云島名明年百濟遣前部木笏不麻甲背迎勞

物部某於己汶秋百濟州利即次將軍從物

部入朝謝賜己汶之地五經博士漢人高安

茂來代博士段楊爾復遣灼莫古等送高麗

使安定等十七年餘隆卒謚武寧子明立是

為聖明王日本紀○按三國史移都泗泚改

國號曰南扶餘三國通鑑廿三年明謂下哆

利國守穗積押山曰朝貢使每避島曲或遇

風濤淹留日久所賣物咸爛壞無色請賜加

羅多沙津為朝貢津押山為奏請朝廷使物

部伊勢父根吉士老以津賜扶餘日本紀○

記東國通鑑云明改國號扶餘而此下皆復

書百濟日本紀書扶餘始見于此而下皆又

復舊號也於是加羅王怒結好新羅尋復與

新羅有隙新羅攻加羅拔八城明年遣近江

毛野往安羅敕諭新羅反所侵南加羅喙已


吞地百濟亦遣將軍君尹貴麻那甲背麻鹵

等往聽敕旨毛野無綏遠之才與新羅百濟

爭禮、不宜詔命、居任那三歲、爭訟滋興、人情大騷、任那阿利斯等厭苦、陰使奴須久利於百濟請兵、百濟即械奴須久利、與新羅俱圍任那、責阿利斯等曰、速出毛野、毛野嬰城固守、二國兵圍之踰月、天皇聞毛野奉使無狀、擾動韓地、遣使徵還、百濟新羅兵大掠而還、安閑帝元年遣下部脩德嫡德孫上部都德已州已婁朝貢、欽明帝元年遣使朝貢、二年詔諭百濟、經略任那侵地、百濟王明會任那

日本府帥吉備臣、○本書註云、名闕、安羅人加羅人

多羅人等、議曰、昔我速古王貴首王之世、安羅加羅卓淳旱岐等常遣使往來、厚結親好、是以隣敵不敢侮、今南加羅卓淳二國、忽被新羅誑、自取敗滅、使天皇震怒、任那人憤恨、是寡人之過也、我深懲自悔、思補其過、前者遣下部中佐平麻鹵城方甲背昧怒等於加羅、與任那日本府相共盟約、自爾而後、未嘗一日忘建任那、今又奉詔曰、速建任那、卿等



何策以答朝旨、今復徵新羅、宜詔命以察彼情狀乎、任那旱岐等答曰、向者再三告諭新羅、而彼竟不報答、今復徵之、恐無益也、大王宜遣使於天朝、具奏其事、更別議建任那、然任那境與新羅接、恐旦夕有三國覆轍之禍、明日、三國所以滅者、非新羅以強吞之也、其喙已吞介于加羅、新羅之間、連年被兵、勢孤援絕、任那不得應急、由此見亡、其南加羅、蕞爾小國、固不能自立、其卓淳上下攜貳、終餌

新羅之甘言、自取滅亡、由此觀之、三國之敗、良有以也、昔新羅乞援於高麗、攻任那、百濟、我即防却之、彼以二國兵、尚不能克、今新羅安能獨滅任那乎、寡人與卿等勦力同心、任那可復焉、若使人未迴、卒有不虞、寡人應赴援、勿以為憂也、秋、明聞河內直○本書註引百濟本紀云、加不至費直語訛未詳、直在安羅日本府、與新羅交通、遣前部奈率鼻利、莫古等於安羅、召新羅任那執事、謂任那執事曰、昔我速古王貴首王、與

故旱岐等約爲兄弟、我以汝爲子弟、汝以我爲父兄、共事天朝、俱距強敵、安國全家、以至今日、是故厚脩鄰好、終始不渝、是寡人所願、卿等何由輕信浮言、忽渝舊好、寡人恨焉、蓋聞爲人後者、貴能負荷先軌、克昌堂構、以成先烈也、今卿等奮然悔咎、悛過、追修先世和親之好、敬順天皇之詔命、復南加羅、啖已吞等地、還附任那之舊貫、永爲兄弟、俱奉事大國、是寡人寢食所庶幾也、夫新羅姦計狡

謀、天下之所與知也、頃聞卿等聽其甘言、弛解守備、寡人每爲卿等危之、且竊聞之、任那與新羅會時、有蜂蛇之妖、夫妖祥災異、天之所以告誡於人也、而卿等見妖至、不以爲怪、禍踵不知、甚可嘆息焉、古人云、追悔無及、此之謂也、卿等從寡人之言、聽大國之命、長有本土、永御舊民、孰與信甘言、亡失家國、以爲人俘虜也、卿等宜孰計審思矣、明復謂日本府執事曰、奉詔旨曰、任那夕滅、則汝國朝孤、

宣興建任那以爲汝之援、慰諭殷勤、喜懼交
至、氣塞填胸、不知所以答盛旨矣、今退察新
羅之情狀、其志不止乎此矣、諸君久在任那、
亦是所審矣、天皇敕諭新羅、令反南加羅、噉
已吞地者、非但數十年、新羅雖面敬唯諾、退
無反侵地之意、惟是甘言卑辭、求媚於諸君、
諛事朝廷、其志在窺釁吞噬任那也、然彼猶
未敢動者、近羞百濟遠懼天朝也、今乘其無
備、掩其不虞、則新羅可破、任那可復也、如此

則天皇怒釋諸君、亦必厚蒙朝章、身榮於當
時、功烈照于世也、諸君不察、輕信甘言、則非
惟減任那、永遺譏於域外也、願諸君熟計之、
勿爲他欺焉、明以河內直交通新羅、深切責
之、遣紀臣奈率彌麻沙、中部奈率已連朝貢、
奏下韓任那之政、四年秋、前部奈率真牟貴
文護德已州已婁等入朝、獻扶南財物及奴
二口、冬、遣津守連於百濟、詔罷百濟所置任
那下韓郡令城主、悉屬於日本府、且璽書諭

曰、爾屢表奏稱當建任那、逮乎十數年、而猶未敢興建、夫任那為汝國之棟梁、如折棟梁、誰成屋宇、朕念在茲、爾須早建任那、任那建則河內直等自當罷歸也、明乃會三佐平內頭諸臣議之、三佐平等對曰、我所置郡令城主、在下韓者不可罷、其建任那之事、宜早從詔旨、尋又宣前詔、歷問羣臣、上佐平沙宅已婁、中佐平木勿麻那、下佐平木尹貴、德率鼻利、莫古、東城道天、木勿味淳、國雖多、奈率燕

比善那等議曰、臣等稟性愚暗、都無智略、然

竊謂建任那宜早奉詔也、而河內直移那斯

麻都等

移那斯或作阿賢移那斯、麻都或作佐魯麻都、本書註云、二人名也、未詳、

今從本書所稱而書之、

在安羅者、任那恐難興建矣、請

遣使召任那執事諸國、早岐等俱相會議、抗

表奏論、明日、羣臣之議甚稱寡人之心、是月

使施德高分屋

○或作高分、謂日本府及任那執

事曰、請相見計事、日本府及任那答云、歲迫


矣、當過正旦而往會、五年正月又遣使促之、

辭以時祭、百濟又促之、日本府及任那皆遣
 賤者、是以遂不得會議而罷、百濟更遣施德
 馬武施德、高分屋等、謂日本府及任那曰、我
 使自天朝歸、津守連名關亦尋至、詔旨並云、與
 卿等謀、早建良圖、副朕之所望、又云、其間事
 應審奏聞、是以三馳使介、而尚未有來意、我
 當以三月十日遣使於天朝、具狀審奏、卿等
 亦各發使往聽天皇之敕、又讓河內直曰、自
 昔唯聞卿之惡、任那日縮、職汝之由、汝是雖

微、譬如熒火、然山野、不急撲滅、則其災延及
 村邑、使卿久于此、則非唯破敗任那、遂使海
 西官家不得長奉於天闕也、故今具奏汝行
 惡、又謂日本府卿任那旱岐曰、夫建任那、非
 藉天皇之威、誰能建之乎、故欲與卿等會議、
 而卿等何故不來、日本府答曰、任那執事不
 得赴會者、此由我不遣也、我向遣使諮訪朝
 旨曰、朝廷使印歌臣○本書註云、於新羅、津
 守連使於百濟、日本府臣等待二人至、聽詔

命不勞自往焉、尋聞印歌臣至新羅、使人問之曰、日本府及任那俱就新羅聽朝命、未聞就貴國聽焉、津守連尋至於此、亦曰、今我使於百濟者、為罷百濟所置、下韓郡令城主、是亦未聞就貴國聽朝命、故抑任那不遣、而亦不自往焉、百濟遣奈率阿毛得文等上表曰、再奉詔書、當與日本府臣及任那諸旱岐等相議、早建任那者、伏承聖旨、不敢暫停、即召日本府執事、○本書註引百濟記曰、及任那鳥故岐臣、蓋的臣也、

諸旱岐、而日本府任那皆曰、新年已近、過正旦而往、久而不就、復遣使促之、對以祭祀時至、使者三回、執事旱岐並不躬來、使人代來、而其人微賤、不足與議事、故即時放回之、夫任那以安羅為兄、安羅以日本府為天、今的臣吉備臣河內直等咸從阿賢移那斯佐魯麻都○按吉備臣的臣河內直三人、鎮日本府者、而名闕、阿賢移那斯佐魯麻都、詳註于指搗、不敢得專決、此二人是雖微賤、專橫于日本府、其抑任那而不遣、亦是二人之



所為也、假使斯人久在安羅、逞其毒、則任那
 終滅、海西諸國亦不得奉職貢也、伏請移此
 二人於他處、而後新敕諭日本府、更議建任
 那、謹差奈率彌麻沙、奈率已連從、已麻奴跪、
 奉表入朝、○本書註云、已麻奴跪、津守連也、伏乞天裁、帝答
 敕曰、的臣等、○本書註云、的臣、吉備弟、私往
君臣河內直都三人也、來新羅、是非朕心也、曩日印支彌、○本書註
曰、未詳、與阿鹵旱岐在時、為新羅所逼、不得耕種、卿
 之國路迴、不能救急、由的臣往來新羅、方得

耕種、此朕所嘗聞也、今已建任那、則移那斯
 麻都自然當罷歸、王勿以勞念矣、明復遣使
 上表曰、伏承詔旨、喜懼兼懷、是知新羅奸計
 構讒、誤朝廷之聽矣、向在我留印支彌許勢
 臣之時、○本書註引百濟本紀曰、我留
印支彌之後、至既洒臣時、未詳、新羅
 未有踰封疆、侵他界、安羅亦未嘗有寇至之
 患、今茲春、新羅取啖淳、遂驅出我久禮山、戍
 有之、與安羅分界耕植、不互相侵軼、然移那
 斯麻都過侵疆界、故為彼所驅逐、臣及時赴

援是以任那得隨時耕種、新羅亦不敢得恣
 侵掠、臣又嘗聞新羅每春秋多聚甲兵、或云
 欲襲安羅與荷山、或云將襲加羅、臣即遣將
 士助守任那、預備不虞、是以新羅姦計未得
 發也、然奸人誣奏、百濟路迴、不得應急、由的
 臣往來新羅方得耕種、是皆奸佞之徒、構造
 邪說、欺罔天朝也、臣切謂的臣等在安羅者、
 任那難可興復矣、伏乞天裁早為之處、臣又
 覩佐魯麻都、其狀甚非常、麻都是雖韓腹所

生、而位居大連、則日本執事之間、入榮班貴
 盛之列、而今著新羅奈麻禮冠、公然往來、曾
 無顧憚之色、是皆道路所視、其心歸服新羅
 可知也、臣伏歷觀諸國敗亡之狀、皆由有貳
 心者為之內應矣、喙國卓淳可以為鑒、誠焉、
 今麻都心已歸于新羅、臣恐任那之滅不久
 矣、任那若滅、則臣國孤危、伏冀玄鑑、幸察臣
 微誠、速除奸臣、早建任那、是國家之慶、寡人
 之願也、

日本紀

帝不報

日本紀註引百濟

復遣使

召日本府及任那於是日本府吉備臣新羅
下旱岐大不孫久取柔利加羅上首位古殿
奚卒麻君斯二岐君散半奚君兒多羅二首
位訖乾智子他旱岐久嗟旱岐等竝赴於百
濟明日任那國自古與我約爲子弟新羅無
道背約違信滅卓淳股肱之國寡人常願爲
任那報仇復地永爲兄弟共事天朝而良圖
未建今我有三策卿等擇從其善曾聞新羅
安羅兩國之境有大江吾欲據其要害築六

城請天兵三千每城令五百人守之我別出
兵士時蹂亂賊境不得令彼田作而伺其怠
疲而擊之久禮山五城投兵而降久禮山舉
則卓淳可從而復其策一也南韓置郡令城
主者豈敢違背朝命塞斷貢調之路乎顧北
敵強大我國日微弱若不置郡令城主則不
可以禦北敵亦不可以制新羅故置之以防
遏隣敵屏蔽任那我欲奏之天朝其策二也
吉備臣河內直移那斯麻都不去則任那決

大日本史卷之二百三十七終

不得建焉、今抗表奏請、欲移此四人於他處、其策三也、吉備臣及早岐等曰、大王三策甚善矣、請還詔日本府大臣及安羅王加羅王、俱發使奏聞於天朝、日本紀○按吉備臣在會、聞百濟王追己之策、其答不宜如此、且任那興建之議、本書文錯亂、人名訛謬、不可考定、姑從本文書之、以待後考、

大日本史卷之二百三十七終

